

第〇九四册

方輿彙編

職方典

歸德府部

彰德府部

衛輝府部

(卷)

三六—四〇

四〇—四六

四六—五〇

古今圖書集成

中華書局影印

欽定古今圖書集成方輿彙編職方典

第三百九十六卷目錄

歸德府部彙考六

歸德府兵制考

歸德府物產考

歸德府古蹟考 墳墓附

職方典第三百九十六卷

歸德府部彙考六

歸德府兵制考

府屬

通志

明洪武三年設歸德守備以都指揮體統行事
指揮領之住劄本府屬南京中軍都督府轄衛
一日歸德至

皇清歸德衛丁地事務歸併開封府屬杞縣及歸德
府屬商丘寧陵睢州柘城各州縣管理
皇清設歸德營參將一員駐劄歸德府

守備一員

千總二員 分防永城一員考城一員

把總四員 分防虞城一員鹿邑一員睢州一

員寧陵一員以上統屬鎮守南汝總兵官管轄

歸德府物產考

通志州縣志合載

府屬

穀之類

黍 多種

麥 多種有黑紅黃白四色

稻 有三種大麥小麥玉麥

菜子 爲油

豆

有菜豆豇豆黃豆青豆黑豆花豆豌豆扁

豆蠶豆數種

稷

芝麻

蕎麥

秫

蔬之類

蒔菰 潁河之地多有之土人採食之或曰無

種蓋遺腐船木所生也

薯蕷

出鹿邑縣

芋

香芋

苦蕒

蒲笋

俱出鹿邑

縣

蘿菔

有紅白二種

封

玉環

黃華

俱出夏邑縣

葱

韭

芥

蒜

白菜

白花

茄

藕

雲薑

蒲

茼蒿

苦

薺

瓠

莧菜

菠菜

蒿苳

蔓青

馬齒菜

生菜

芫荽

藤菜

甘藍

芥蓮

葫蘆

土豆

眉豆

刀豆

瓜之類

王瓜

西瓜

冬瓜

甜瓜

苦瓜

菜瓜

木瓜

稍瓜

南瓜

地瓜

絲瓜

倭瓜

果之類

菱 爾雅謂之蕰櫨郭璞云今水中菱是也國

語曰屈到嗜芰即此其花紫畫合宵炕轉移向

月翕葵之隨日也凶歲採以爲蔬

葡萄 在在皆有之史載此種蓋張騫得自西

域廣志曰有黃白黑三種

鷄頭 在夏邑縣

桃

李

郁李

梨

杏

梅

棗

柿

奈

石榴

沙果

蘋果

花紅

櫻桃

核桃

蓮房

羊棗

無花果

文光果

銀果

芡實

貨物之類

藎香 卽茴香子也

絲

綿

絮

紬

布

絹

縑

蜜

靛

麻油

菜油

小藍

花紅

槐子

蠟

小鹽

苧

蠟

有黃蠟白蠟

木之類

桑

槐

榆

柳

椿

棠

檜

柏

柘

桐

楮

楊

竹

椒

松

杞

棟

楸

栲

荊

棘

花之類

牡丹 多種

芍藥 多種

菊 多種

蠟梅 多種

丁香 有紫白二種

木槿 有二種曰板木槿曰楓木槿五月始華月令木槿榮是也華如葵朝生夕殞一名舜蓋

葵 白梅 紅梅 海棠 扁竹

茶藤 薔薇 芭蕉 地棠 芙蓉

萱草 迎春 月季 寶相 玉簪

雞冠 荷花 石竹 水仙 紫荊

冬青 孤挺 火丹 松丹 卷丹

珍珠 山丹 鳳仙 凌霄 木香

瑞香 金紗 金盞 百日紅

十樣錦 剪春羅 轉枝蓮 紫蝴蝶

上馬嬌 錦蝴蝶 玉堂春 秋海棠

金小蟲 四季槐 綠萼梅 小桃紅

夜落金錢 龍爪芭蕉

草之類

苜蓿 草 蓼 蘆 荻

藻 茅 連節 馬蘭 蔓

蓬 繡壁 莎 菰 稗

茶 芳 稂 淮草 靡草

俱出鹿邑縣

藥之屬

益母草 卽茺蔚也爾雅謂之茺推詩曰中谷

有獲是也此草治產之功多故名益母會子見而思母蓋感此也又唐武后鍊益母草以澤面今所在皆有之出鹿邑者佳

牽牛 出鹿邑西陽雜俎云益甌草卽牽牛也此卉始出田野中人牽牛易之故名

茺苢 八府亦俱有之詩云采采茺苢卽此一名馬烏一名車前一名當道好生牛馬跡中故名或又謂之蝦蟆衣

蛇牀子 出柘城爾雅曰肝廵牀廣雅曰馬牀卽此

紫蘇 土人取葉作醬或研汁煮粥食之令人肥健

瓜蒞 出夏邑永城二縣

桑寄生 爾雅謂之寓木宛童又名葛寓圖經云鳥食物子落枝節間而生或云感造化之氣而生

草麻 火麻 蟾蛻 殭蠶 懸蘆

蠶蛾 地黃 米穀 薄荷 山藥

南星 蓮子 瞿麥 地榆 紅花

菖蒲 稀莨 牛膝 商陸 蒺藜

大薊 馬勃 甘菊 地丁 柏實

香附子 佛座心 鹹荊 杏仁 三稜

夜明沙 何首烏 莨菪子 猪苓草

王不留行 蟾酥 大黃 茵陳

羽之類 鵝 鴨 雞 鷹 鵠 鵪 鶩

瓦雀 喜鵲 紫燕 黃鸝 鶉 鴉 鴉

鵲 畫眉 蠟嘴 鶯 鶉 啄木

班鳩 布穀 鷓鴣 鵲 麻鵲 倉庚

鴉 俗名潑嘴

獸之類 牛 馬 羊 驢 驘 豕

犬 貓 兔 狐 獾 貉

鼠 蟬 狼 地羊 獺 野豕

鱗之類 鯉 魴 鯽 鮎 鰱 鰻 鰻

鱸 蛤 鱖 鮓 鮓 鮓 鮓

黃頰 馬郎 青魚 蟲之類 蠶 蜂 蛆 蝶 蟬 蟻

蠅 蚊 蠅 蠅 蠅 蠅

蠅 蚊 蠅 蠅 蠅 蠅

蠅 蚊 蠅 蠅 蠅 蠅

蠅 蚊 蠅 蠅 蠅 蠅

蠅 蚊 蠅 蠅 蠅 蠅

蠅 蚊 蠅 蠅 蠅 蠅

蠅 蚊 蠅 蠅 蠅 蠅

蠅 蚊 蠅 蠅 蠅 蠅

蠅 蚊 蠅 蠅 蠅 蠅

蠅 蚊 蠅 蠅 蠅 蠅

蠅 蚊 蠅 蠅 蠅 蠅

蠅 蚊 蠅 蠅 蠅 蠅

蠅 蚊 蠅 蠅 蠅 蠅

歸德府古蹟考

府志

本府 商丘縣附郭

亳城 在府城東南四十五里契父帝魯都亳

湯自商丘遷焉鄭元云亳今河南偃師縣漢書

音義曰濟陰亳縣杜豫曰梁國蒙縣皇甫謐曰

孟子稱湯居亳與葛爲鄰葛卽今寧陵縣葛鄉

亳乃今穀熟縣也蒙爲北亳卽吳亳湯受命之

地穀熟爲南亳湯所都偃師爲西亳卽盤庚所

徙畫立政所謂三亳是也或曰考城爲北亳穀

熟爲南亳偃師爲西亳未知孰得其實

宋故城 在府城南周封微子於宋卽此宋眞

宗祥符中產靈芝五十本

龍亢城 在府城西南漢置龍亢縣

小蒙城 在府城南二十里卽莊周本邑

大蒙城 在府城北四十里

新城 文公十四年會於新城

貫城 僖公二年齊侯盟於貫卽此

穀熟故縣 在府城東南四十里卽南亳成湯

所都宋眞宗祥符五年有二龍見元置巡檢司

今廢

睢陽故縣 在府城南門外

文雅臺 在府城東南一里世傳孔子適宋與

羣弟子習禮大樹下卽此又顧况記梁孝王時

鄒枚相如之徒宴處唱和是有文雅之臺順治

十五年知府丘正策重修亭臺

清冷臺 在府城西北梁孝王築宋太祖曾避

暑於此又名清涼臺

三陵臺 在府城西北十八里三峰並峙因名

今上有玉皇廟

營郭臺 在府城東南七十里上有建吉寺

平臺 在府城東二十里梁孝王築謝惠連於

此賦雪又名雪臺

靈臺 在府城東梁孝王六年取宋儀臺郭象

曰儀臺靈臺也

六忠臺 在府城南舊城上世傳雷萬春面被

六矢之地元至元間以兵燹遷祠城上此或其

址也

梁園 在府城東一名梁苑或曰卽菟苑漢梁

孝王名武文帝少子十二年以淮陽王徙封最

親有功又爲大國居天下膏腴地北界秦山西

至高陽四十餘城皆多大縣於是孝王築東苑

三百餘里大治宮室爲複道自宮連屬於平臺

三十餘里招筵四方豪傑自山以東游說之士

莫不畢至西京雜記曰菟園內有百靈山山之

巖有落猿巖樓龍岫望秦嶺又有鴈池池間有

鶴州鳧渚九域志曰菟園中有修竹園

金果園 在府城東南十里梁孝王修

漆園 在小蒙城內莊子嘗爲漆園吏卽此

黑松林 在府城西

萬戶林 在府城北

曜華宮 梁孝王建按三輔黃圖王作此宮與

諸宮觀相連延亙數十里奇果異樹珍禽怪獸

畢有王與賓客弋釣其中

使爲賦鄒陽安國罰酒三升賜枚乘路喬如絹

各五匹

沃宮 宋內宮名

鴻慶宮 在舊城內宋之原廟也眞宗思顯先

烈陞應天府爲南京以聖祖殿爲鴻慶宮奉太

祖太宗像侍於聖祖之側名神御殿置眞宮官

奉祀又名三聖殿今在協忠廟西街祀三清仍

榜鴻慶宮於門

歸德殿 宋建南京行宮正殿名

垤澤門 宋城西門名魯君之宋呼於垤澤之

門

楊梁 宋地名襄公十二年楚子伐宋師於楊

梁十六年晉帥師伐楚以報宋楊梁之役

武津關 在府城東南三十里世傳伍子胥過

招關卽此

三仁街 在舊城內微子廟前高辛里

定婚店 在舊城內唐韋固遇月老卜婚處

橫亭 昭公二十一年五月壬寅禦諸橫卽此

新亭 凡十二曰流觴綠波榆陰四合照碧妙

峯武備道接朝雨暮雲暖風殘月玉燭金縷光

華妓喜嘶馬落帆芳草柳枝俱宋雷守王勝之

建

觀光亭 望雲亭 俱在舊城內南都賦有云

聯觀光與望雲指中天之魏闕

照碧堂 在舊南城上宋置南都建於城上以

臨南湖故名雷守曾肇重修

杜衍宅 在南京驛舍有詩

謬隄 自汴至宋三百餘里世傳梁孝王徙居
睢陽今俗爲夢久廢

隋隄 在舊城外二里築於隋故名

古隄 在舊城外五里今淤

寧陵縣

大棘城 在縣西南七十里宋華元鄭公子歸
生戰於大棘城卽此

沙隨城 在縣北七十里成公十六年秋公會
晉侯齊侯衛侯宋華元邾人於沙隨

己吾城 在縣南二十里舊爲縣北齊省入下
邑

葛城 在縣北十五里古葛國今偃師有之未
知孰是

議事臺 在縣西南八里周二百步高丈餘世
傳諸侯議事於此因名

鳳凰臺

今失其地

汴隄

一名隋堤

賈魯隄 在縣南七里元尚書賈魯築以障河
石橋 在縣北十二里

黃龍井 在縣東甘露四年有黃龍二見於井
中

聖水井 在長樂鄉按縣志在縣北三里相傳
以爲唐太宗東征時道出寧陵三軍渴甚吳史

有婦人攜二汲桶至士馬數萬飲之不盡俄失
婦人所在視二桶則雙井也嘉靖間大水淤沒

惟一井依然舊蹟其水甚甘鄉人療疾禱雨多

致應驗因作亭以覆之名曰聖泉亭聖水婦人
名號尚仍唐封之舊云

鹿邑縣

平城 在縣西南三十里

苦縣城 在縣東七十里卽楚之苦縣晉更名
谷陽隋改仙源唐曰眞源宋併入鹿邑

武平城 在縣東北四十里漢置城西南有漢
尚書令虞詡碑

鄆城 在縣西南七十里漢置鄆縣城焉

谷陽縣 在縣東十里

虎鄉城 在縣西七十里

樂城 在縣南十八里

臨兵城 在縣西南六十里

相城 卽谷陽城

廣鄉城 後漢封侍中樊豐爲侯國卽廣鄉也

潁鄉城 在縣東十里與谷陽城相鄰老子宅
也

舊鹿邑縣城 在縣西六十里按水經城南十
里有晉中散大夫胡均碑元康八年立泔水之

北有漢溫令許續碑續字嗣公陳國人舉賢良
拜職議郎遷溫令延熹中立

安平廢縣 在縣西北四十里按水經泔水東
逕安平縣故城北陳雷風俗傳曰大棘鄉故安

平縣也

吳臺 在縣西南四十里

昇仙臺 在縣東北隅明道官後世傳老子騎
鹿昇天處

陳搏臺 在縣東十三里隱山下世傳搏煉丹
處

思陵臺 在縣西南四十里漢光武幸此築以
望親因名焉

明道宮

在治東門內路北昇仙臺前唐名紫
極宮天寶二載爲太清壇宋眞宗祥符中改明
道宮

太清宮

在治東十里爲老子所生之地漢桓
帝已立廟唐高祖武德三年從吉善行之言祖

老子特爲起宮闕如帝者居高宗乾封元年追
封太上元皇帝元宗天寶十三載杜甫上太

清宮賦舊有碑剝落不可辨惟存武德元和數
字宋眞宗祥符七年帝謁老子於太清宮建太

清樓歷代增修有紫極廣靈太清三宮以祀老
子紫極爲元末韓林兒所毀皆礫石尚存今已

舊有老子石像及九龍井世傳老子生有九龍
取水噴靈溪池以浴老子今石像九井皆廢又

列檜八株傳爲老子手植皆不存今太極殿前
有老柏扶疎亦二三百年物也又有地洞通毫

州相傳元末小明王所修今洞口封塞不可復
尋漢唐來以此爲勝地銘贊詩歌甚多明隆慶

六年知縣王冠創修鹿邑縣城半委煨燼至韓
友范重修城而漢唐碑盡毀無復存者矣

先天太后宮 在太清宮北一里許名洞霄宮
以祀老子母

白雲庵

庵在城內東南隅水環四面一徑幽
通蘆堤柳岸鴈陣魚舟點綴四時景色遊者飄

然物外如在青坪蓮峰間也

夏邑縣

譙城 在縣北三十里楚平王所築晉祖遜屯

淮陰進據太丘城遂克譙城而居之即此

齊城 在縣東北齊邑鄉

平臺 在縣西二十里

熙熙臺 在縣治內

碎錦園 在縣東門外

蓮花池 在儒學射圃西

還鄉池 在縣北十五里說者謂孔子還鄉祀

先於此後人思而立之今廢爲寺

杏壇碑 在文廟前

隋隄 在縣南三十里煬帝築

新隄 在縣南西抵里嘉靖七年鑿白河時積

土成焉

巴河隄 在縣北二十里黃河南岸東接蕭縣

抵商丘嘉靖十年知縣滑參築

永城縣

鄧縣城 在縣西南鄧縣漢置縣屬沛郡舊

志爲漢高祖封蕭何食邑城東有何廟與墓及

造律臺其東又有丘生墓丘與何同定律令

太丘城

在縣西北三十里保安鄉西漢置縣

築

大睢城 在縣東北甫城鄉即芒縣城漢置縣

保安鎮城 在縣北芒碭山之東南即漢高斬

蛇處

造律臺 在縣西南三里鄧縣鄉上有鄧侯蕭

何廟

拜將臺 在芒碭山世傳漢高拜將處

韓公亭 在縣治內宋韓忠獻爲令時建嘉靖

三十年改爲稅課司

釣魚臺 在虞山之前

蓮花池 在縣南城壕外東西二里許南北亦

如之

隋隄 在縣治西南即汴河之故道也隋煬帝

築故名

虞城縣

綸城 在縣東南義原鄉左傳處思妻少康以

二姚而巳諸綸有田一城有衆一旅即此城也

廣樂城 在縣西光武紀云建武間吳漢率七

將軍與劉永將穰戰於廣樂大破之釋云今

宋州有長樂故城即此蓋避煬帝諱也

西臺 在縣西二里世傳爲漢高帝將臺

平臺 在縣西應善鄉襄公十七年冬宋皇國

父爲太宰爲平公築臺妨於農牧子罕請俟農

功之畢公弗許築者詆曰澤門之哲實與我邑

邑中之黔實慰我心

靈臺 在縣西應善鄉哀公二十五年衛侯出

奔宋爲靈臺於舊圃與諸大夫飲酒焉

兔園 在縣西南五十里應善鄉梁孝王築

敗吳師於鴻口亭即此

連中館 在縣南空桐亭之後哀公二十六年

冬十月景公游於空澤辛巳卒於連中大尹奉

公自空桐入於沃宮即此

李令泉 在縣治內縣令李錫有清操李白撰

錫去思頌因載其事曰官宅舊井水清而味苦

錫下車嘗之莞爾笑曰既苦且清足以符吾志

遂汲而用之因名焉

睢州

首止城 在州南僖公五年諸侯會於首止即

此

匡城 文公十一年會晉卻缺於承匡

棘故城 宣公二年鄭敗宋師於大棘

鄆城 在州東南襄公元年仲孫蔑會齊崔杼

曹人邾人杞人於鄆

古城 睢故城在今城西

襄公臺 在州河東春秋宋襄公築

霜露臺 在州城南

凌霄臺 在州境內

鳳凰臺 在州境內

黃門亭 惠公敗宋師於黃

桐門亭 在州境內

滑亭 莊公二年次於滑即此

文昌閣 在州治東

鳴鳳樓 在州境內

考城縣 在縣西南白起築

古城 在縣東南世傳周封戴子之地

梁樓 在縣西北世傳戴子避暑地

史村里 在縣南三十里

雙堦 在縣南三十五里

鳳垆 在雙堦西

長隄 在縣北十八里黃河南正德間總理河道工部侍郎趙瑣修

柘城縣

匡城 在縣西北四十里今睢州長垣亦有匡城孔子畏於匡在長垣者爲是觀其去匡宿蒲今有蒲鄉足徵

心悶城 在縣西南八里唐節度使張鎰聞睢陽圍急兼程而進嘗宿此夜不成寐故名今在黃河中有大洲建元帝廟焉

塚城 在縣東四十里

遠廂城 在縣北三十里廂一作襄

牛頭城 在縣北十里四面有城址多有何首鳥生於上

胡廂城 在縣東北三十五里廂一作襄

王馬城 在縣東十里相傳王莽駐兵馬於此

藏甲城 在縣西三十里項羽藏兵於此故名

楊州臺 在縣西南十里

楚王臺 在縣西十五里項籍築

老子臺 在縣北二十里卽升仙臺相傳爲老子遺蹟今爲白雲寺

吳起臺 在縣東三十里吳起行兵處

寶臺 在縣西四十里

明皇臺 在縣東二十五里上有寺乃唐元宗駐軍處

歇鶴臺 相傳老子歇鶴於此

古隄 今廢

圮橋 在縣東北七里相傳爲張子房進履處

府志未載古蹟

商丘縣

蠡臺城 在府城西梁孝王築

斷頭巷 在舊城內世傳張巡死節處

亳社 宋殷社名

妙峰亭 在舊城內宋雷守王勝之建蘊軾題榜

應天書院 在舊城州治東宋大中祥符三年

邑士曹誠建學舍百五十楹聚書千五百卷招明經藝者講習有司以聞賜額應天書院

頌慶門 宋高宗端門名

楊門 宋城東門名左傳宋元公自楊門入

盧門 宋城南門名左傳華氏居盧門南里拒

元公

桐門 宋城北門名叔孫婁聘於宋桐門右師見之

蒙門 宋城門名春秋宋公及諸侯之大夫盟於蒙門之外

桑林門 宋城門名昭公二十一年宋城桑林之門而守之

瞻聖門 古穀縣南門因伊尹墓在故名

琉璃井 在西月城內武安王廟前相傳嘉靖

時居民夜起見井中有火光遽滅達旦視之爇融其半晶瑩若琉璃矣

寧陵縣

甯王城 在縣南關外至今遺址踴然

黃岡寺 魏武帝太延二年建魏碑所載寺前有黃棟一株不知始生何年枯而復榮至今猶存元時邑之學田在焉

齊王廟 在縣北二十里世傳齊威王朝周道卒於此居人立廟祀之

八角井 在縣北十五里寧靜寺中其製八角圍丈餘其碑甚古投以瓦礫若磬聲者良久嘉靖間井底忽生一樹數月出井尺許居民怪而實之其源遂塞今猶深丈餘焉

鹿邑縣

鳴鹿城 在今縣西六十里城基尚存左傳周簡王十三年七月魯成公以諸侯之師侵陳至於鳴鹿卽此

賴地 在縣東十里穀梁春秋傳賴作厲史記老子傳楚苦縣厲鄉曲仁里人又路史老子邑於苦之賴

相縣 在縣東十五里太清宮之左東漢邊韶老子碑相縣虛荒今屬苦故城猶存在賴游鄉之東過水處其陽又水經注過水東逕相縣故城南其城卑小實中又隋薛道衡碑繞過穀之二水對苦相之二城

仙源縣 在縣東十里卽漢沛郡穀陽縣

衛真縣 在縣東十里宋縣名元省入鹿邑

願鄉 未詳其處按史記灌嬰傳攻苦讎復得

亞將周蘭與漢王會願鄉徐廣曰苦縣有願鄉

垓下 在縣東十里史記高帝五年十二月圍

籍垓下索隱曰張揖三蒼注云垓堤名正義曰

垓下是高岡絕巖今猶高三四丈在亳州真源

縣東十里與老子廟相接

釣臺 按水經注潯水東逕大棘城南地爲楚

所并有太子建之墳伍員釣臺池沼俱存又按

此處即故安平縣

靈臺嵎堆 在西北三十里臺上有寺爲靈臺

收放臺 在城內西北隅明刑科給事中王堯

日讀書處今遺址尚存

古華臺 在賈家灘河中

顯靈臺 在通濟橋北

露臺 在飛龍井西一里許

千佛塔 亦云普同塔

桂香樓 在關伯祠之南高七丈乃浮圖也嘉

靖十一年孫忠弼創建今圯

夏邑縣

朱買臣村 在縣南會亭鄉

末感堂 在縣西三十里平臺村洪武末孝子

閻顏以父母俱歿故立此堂於墓側

桑棗園 在縣南郭外今失其故址

永城縣

漢高祖廟址 在芒碭山昔帝嘗隱此所居處

上有雲氣呂后因跡求每得之帝讓曰胡爲而

來后曰但觀雲氣而至後孝文帝立廟於巖前

圖寫高帝真像列諸功臣於其側遣士庶朝參

之時臺中皆立廟以祀未開寶中僧繼那重修

元至正初土人閻守信因其毀又創之今遺蹟

尚存

西陵墩 在縣西北二十里

同姓墩 在縣西北三十里

新城碑 在縣治正廳內喬岱建

堂圖記石 在縣治正廳內劉瑤建

蓬魯花赤囊加友公樹政碑 在縣治儀門外

虞城縣

太丘 在縣東五里按班固云周顯王四十二

年宋有太丘社師古曰爾雅云左陵太丘謂

丘左有陵者其名太丘也郭璞云宋有泰丘蓋

以丘名此地也爾雅云左澤定丘右陵泰丘釋

云宋有太丘社見史記雖左右之異太丘在

右當以爾雅爲正

北澤堤 在縣西南四十里高四丈二尺

中澤堤 在縣南三十里高六尺闊二百步

南澤堤 高一丈東亘六十里入夏邑縣界按

杜預云春秋時隕石五見在澤堤即梁孝王開

道也

睢州

曲棘里 宋公佐卒地

桃花洞 附路駝而爲形今沒於水

尹店 卽伊尹遊寓處或以爲尹子奇寇睢陽

屯聚之所

伯黨集 王伯黨從李密駐於此

張公臺 卽張師德清香館舊基

考城縣

盟臺 在縣東三十里葵丘東南卽春秋時齊

桓公盟諸侯歃血時所築

莊周故里 在縣東三十里卽蒙澤也

賀丘 在縣西南俗傳卽郝家林

梁村 在縣東南卽漢改建梁國之地

柘城縣

朱襄城 卽舊柘城

問津處 魯哀公六年孔子去葉反於蔡長沮

桀溺耦而耕使子路問津今柘舊城北有沮溺

塚俗稱雙塚其北三十餘里有劉家河卽問津

處史記註云黃城山葉縣西南卽沮溺耕處下

有東流卽問津處

陵墓附

本府

遂皇陵 在關伯臺西北二里世傳爲魏人陵

厥土白燧人別五木以改火順四時而遂天意

作結繩之政爲日中之市人情以遂又謂之遂

皇

帝魯陵 在高辛里帝所都之地

殷微子墓 在青岡上

伊尹墓 在穀熟南

曾子墓 在府城北徐殺橋西或作曾子堀

唐張巡墓 在睢陽城北高原上巡死節處招

魂而葬從李翰請也

雷萬春墓 在睢陽城東一里

宋杜衍墓 在宋城仁孝原

太子太師趙鼎墓 在宋城天巡鄉致仕時年八十諡靖康

王堯臣墓 在宋城平臺鄉

參知政事諡文定張方平墓 在宋城未定鄉

明山西按察使徐永達墓 在關伯臺後有大學士楊溥表

侍郎潘禮墓 在府城西北七里

文淵閣大學士諡文端沈鯉墓 在城西十里

吏部尚書諡莊敏宋纘墓 在城西北十五里

通政使田珍墓 在城東三十里

皇清國史院大學士諡文康宋權墓 在城西一里勅修

寧陵縣

褒聖侯墓 在縣北二十五里褚垌村侯名德

倫先聖孔子三十三代孫天授二年卒葬此德

倫子崇基襲爵神龍元年卒亦葬此有國子助教張昌表

董文貞墓 在縣北三十里

刑部尚書呂坤墓 在縣西北二十里

解孝女墓 在縣城南古甯城墓

喬烈婦墓 在縣北三里

黃烈婦墓 在縣西關大堤外路北

王老百歲墓 在縣南八里

鹿邑縣

先天太后墓 在洞霄宮前老子母也按綱目

唐天寶元年三月追尊老子父周上御史李乾

爲先天太皇母爲先天太后又按水經注李母廟在老子廟北廟前有李母塚塚東有碑是永興元年諡令長沙王所立明嘉靖間雨潰墓土露石棺鄉者完得水修封如故

楚太子建墓 在西北七十里安平縣故城西

按水經注過水又東逕大棘城南故鄆之大棘鄉也宋華元鄭公子歸生戰於大棘獲華元後

其地爲楚所併其地有太子建之墳及伍員釣臺

羅氏墓 在縣西南四十里有高塚舊名羅氏

垌堆俗傳爲魯秋胡妻墓按西京雜記秋胡營人娶妻三月而宦遊於陳三年休還家其妻採

桑於郊胡至郊而不識其妻也見而悅之乃遺黃金一鎰妻曰妾有夫遊宦不返幽閨獨處三

年未有被辱如今日也採桑不顧胡慚而退至家問家人妻何在曰行採桑於郊未返既還乃

嚮所挑之婦也夫妻並慙妻赴沂水而死按此則秋胡妻墓當在魯此或古節孝之婦之墓而

俗傳爲秋胡妻誤矣附辨於此

汲太守墓 在縣西南九十里西漢汲黯墓也

按史記黯濮陽人以武帝元狩五年爲淮陽太守黯至淮陽居十載而卒遂葬此

陳思王墓 在縣西五十里有數塚累累相望

舊呼思陵塚按後漢書明帝八王傳始見西平

王羨於章帝章和二年遺詔徙封陳食淮陽郡

是年就國立三十七年薨諡曰敬子鈞嗣鈞立

二十一年薨諡爲思王時武平苦俱屬陳國爲

食邑按此則所謂陳思王者漢陳思王劉鈞也世傳爲魏陳思王曹植墓誤矣

虞尚書墓 在縣西四十七里按水經注武平

城西南七里有漢尚書令虞詡墓

隴西夫人墓 原殯城內東南隅今改葬城東

堤內黑龍潭東南夫人唐河東裴杞妻真源令

之女也隨父任於此其夫歸省久不至夫人卒

遂葬此時唐穆宗長慶四年也

張主事墓 在城南堤外名梅子孫蕃衍至今

累累數百塚

長史李崇墓 在城外東南百步

侍御田福墓 在縣東一里

張烈婦墓 在縣南十五里田恩賢妻

孫烈婦墓 在縣西南三十里顧崇膏妻

軒春節墓 在縣西北二里王自新聘妻

郭烈婦墓 在縣西北二里孫尚妻

夏邑縣

黃塚 在縣北二十里

棘塚 在縣東北二十五里

狼塚 在縣北三十里

琴塚 在縣南二十里

漢慎令塚 在縣北郛邑鄉陵垌村久廢

孔氏先塋 在縣北還鄉里自鄧臺龍堤遷於

此墓平有碑存

朱買臣墓 在縣東南三十五里買臣村任會

稽太守

梁華敬忠墓 在縣東北大同鄉鎮國軍節度

使

元開州尹趙克忠墓 在縣會亭鄉

濱樂連運使判官陳淨安墓 在縣南會亭鄉

明汝南侯梅思祖墓 在縣南白河右

雲南右叅政金醴墓 在縣南三里

陝西按察副使楊德墓 在縣東北二十五里

山西叅議金山墓 在縣北半里

永城縣

秦封東陵侯邵平墓 在縣北

漢丞相張堪墓 在縣西北保安鄉

右丞相陳平墓 在縣北保安鄉太丘城之北

丘生墓 在鄆縣城東北舊志云與蕭何同定律令者

唐朱軌仁墓 在縣東北諡孝友先生

宋武惠王曹彬墓 在縣西太丘城

元大都督陳奕墓 在縣北保安鄉

朱貴墓 在縣北芒碭山中爲元帥府經歷年

八十九卒

明贈太子太保貴州巡撫王三善墓 在縣城

教修

張恭靖公墓 在縣西南五里明之戚曉經兵

狀伐僅存黃棟樹盤結塚上

戶部尚書黃卷墓 在縣東黃家集

大同巡撫張翼明墓 在縣南三十五里丹城

集

丘太師墓 在芒碭山前今不知爲何代人

虞城縣

蒼頡墓 在縣西四十里

虞商均墓 在縣西南三里

漢司徒盛允墓 在縣東義原鄉

魏洛郡太守劉賓墓 在縣東甘泉南鄉

唐平州司馬劉良墓 在縣東義原鄉

彭城令李立表墓 在縣北待賓鄉

上柱國張全禮墓 在縣西郭門

明刑部侍郎楊東明墓 在城西二里勦修

睢州

帝丘 在州東北二十里世傳帝嚳之墓

東陵 西陵 俱在州西南三十里二陵對峙

未詳所自

襄陵 卽襄臺之舊址也宋襄公葬於此故名

南夏陵 北夏陵 俱在州西南四十里未詳

所自

單塚 在州南五里未詳所自

雙塚 在州南十五里世傳爲孫平章父子葬

此

襄王墓 在州西南四十里厚臺岡頂一云楚

襄王一云宋襄王未知孰是

莊周墓 在州南三里遺封隆然今沒於河

唐李密墓 在墓山北

王伯當墓 密之臣同葬於此通志云一在封

丘未知孰是

明工部尚書李孟賜墓 在州西門外

兵部尚書蔡天祐墓 在州南門外

李孟辰墓 在州城

尚書袁可立墓 在州城南勦修

蔡氏節烈墓 在新城東門外

考城縣

漢潁川太守黃霸墓 在縣東南二十里

唐英國公李勣墓 在縣南三十里

梁金紫光祿大夫江淹墓 在縣西南十里

明山西布政使樊鍾墓 在縣南郝家林

都御史底蘊墓 在縣西五里

蘇烈婦墓 在縣城南

柘城縣

朱襄氏陵 相傳在縣境內東淹於水今查在

城東十里朱垆上有寺以守焉

飛龍氏士達墓 俱在舊城西二塚相近

界墓 在胡襄城東二里

周有胡襄墓 在城東四十里卽懷惱塚

夏姬塚 在縣城東北隅

雙塚 在縣北三里世傳長沮桀溺葬此

夏御叔墓 在縣北門內御叔陳大夫

東漢右將軍王霸墓 在霸岡集

曹操墓 在城西三十里

元陳尚書墓 今淹於未詳

陳康訪使墓 今淹於未詳

黃練塚 在城西三十里

青塚 在城東二十里

浮丘伯塚 在城西北三十里浮丘不知其何

許人

明刑部尚書軒輅墓 在縣西三里

監察御史霍時雨墓 在縣西南五里
袁塚 在城東北四十五里

南山千祿無疆子子孫孫惟中平三年歲在攝提三月震節紀日上旬揚氣厥析感恩舊君故吏韋萌等僉然同聲貨師孫典刊石立表以示後昆共享天祚億載萬年

學梁王冤園賦

梁江淹

或重古輕今者僕曰何爲其然哉無知音則已矣聊爲古賦以奮枚叟之製焉君山倚巖嶠兮象海水碣石朝日晨霞兮絕紅壁仰望空寥兮數千尺陸磈嶸嶸汨漏成岫兮呀而窟寶階碑確確紫蕪丹駁苔點綺繡若斷若續如此者百有十處奔水激集湮湮絮渠滿渟吐吸跳波走浪濺沫而相及溫漾長驚澆灌遠注無時息焉青樹玉葉彌望成林亦有輪囷礫磈一枝百頃萬葉共陰縹草丹蘅江蘼蔓荆酷郁交布原滿隰平於是金塘演演綠竹被坂繚繞青翠近而復遠白沙如積雪者焉君石如圓缺者焉水鳥駕鵝鵬鳴鴈鴈上飛衡陽下宿沉漢十而五五忽合而忽散乃有綺雲之館蘋霞之臺其樂足以棄國釋位遺死忘歸也若夫墨翟商瞿之倫學兼師術才參道眞方駕連軻於治之濱乃射宿餌前繳鸛鵲青黏黃梁雕龍蔽羹臚純柘漿窮嬉極娛雲翺兮煙翔左覽蒼梧右睨鄧林崩石梧岸則男藏陰逮至山頂丹壁四平靈木夾道神草列生俯瞰太一下視流星既投冠而棄劍亦抗魄而盪靈於是大夫之徒稱詩而歸春陽始映朱華未希卒逢邯鄲之女蕙色玉質命知其麗攢連映日綺裳下見錦衣上出雖復守禮令人意失遂謠曰碧玉作梳銀爲盤一刻一釵化雙鸞乃報歌曰美人不見紫錦衾黃泉應至何所禁妃因

別曰見上客兮心歷亂送短詩兮懷長嘆中人望兮蠶既饑蹀躞暮兮思夜半

虞城令李公去思頌 并序

唐李白

王者立國君人聚散六合咸土以百里雷其威聲革其俗而風之漁其人而涵之其猶衆鮮洋洋樂化在水波而動之則憂賴尾之刺作焉徐而清之則安頌首之頌興焉苟非大賢孰可育物而能光昭絃歌卓立振古則有虞城宰李公焉公名錫字元勳隴西成紀人也高祖楷隋上大將軍絳益原三州刺史封汝陽公曾祖騰雲皇朝廣茂二州都督廣武伯祖立節起家韓王府記室參軍襲廣武伯父浦郢海溜唐陳五州刺史魯郡都督廣平太守襲廣武伯皆納忠王廷名錄鐘鼎侯伯繼跡故可略而言焉公即廣武伯之元子也年十九拜北海壽光尉心不屑細務口不言人非羣吏罕測望風敬憚秩滿轉右武衛倉曹參軍任趙郡昭應縣令奉詔修建初啓運二陵總徙五郡支用三萬貫舉築雷野不鞭一人功成餘八千貫其幹能之聲大振乎齊趙矣時名卿巡按陵有黃赤氣上衝太微散爲慶雲數十處蓋精動動天地也如此因粉圖奏名編入國史天寶四載拜虞城令而天章寵榮俾金玉王度燭若七曜昭回唐隅於嚴敬之哉宸儀臨顧作訓以理其俗魯而木舒而徐急則復戾緩則鳥散公酌以鈞道和之琴心於是安四人敷五教處必糲食行惟單車觀其約而吏檢仰其敬而俗讓激直士之素節揚廉夫之清波三月政行鄰境取則因行春見枯骸於路惻然歎懷出俸而葬由是百里掩骨四封歸仁有居喪行號市城者習以成俗

公勛之親鄰厄以凶事而鰥寡俾獨衆所賴焉可謂變其頹風永錫爾類先時邑中有聚黨橫猾者實惟二耿之族幾百家焉公謂爲純人易其里曰大中之里北境黎丘之古鬼惑醉父以刃其子自公到後蔑聞爲災官宅舊井水清而味苦公下車嘗之莞爾而笑曰既苦且清足符吾志遂汲用不改後變爲甘泉蠡丘館東有三柳焉公往來憩之飲水則去行路勿翦比於甘棠鄉人因樹而書頌四十有六篇惟公志氣塞乎天地德音發乎聲容縞乎若寒崖之霜湛乎若清川之月彈惡彰善速若箭飛九能筆工新文口吐雅論天下美士多從之遊非汝陽三公二伯之積德則何以生此邑之耆老劉楚環等乃相謂曰我李公以神明之化大賴於虞人虞人陶然歌詠其德官則敬去則思山川鬼神猶懷之況於人乎乃資羣僚與去思之頌縣丞王彥選員外丞魏防主簿李說縣尉李向趙濟盧榮等同德比義好謀而成相與採其瓊蹤茂行俾刻石篆美庶清風令名奮乎百世之上其詞曰激揚之水兮白石有擊李公之來兮雪虞人之惡厥德孔昭折獄既清五教大行殷雷雪之聲既父其父既子其子春之以風化成草靡乃影我岡乃雨我田陽無驕僭四載有年人戴公之賢猶百里之天棄今往矣茫如墜川哀哀惠博掩骼深仁苦井變甘凶人易心三柳勿翦來惠清音

謝金吾將軍表

張巡

想峨帽之碧峰豫遊西蜀追驂駟於元圃保壽南山逆賊祿山殺戮黎獻蹂躪河關廷臣被圍四十七日凡一千八百餘戰主辱臣死當臣効命之時惡稔罪盈

是與滅亡之日

宋州八關齋會報德記

顏真卿

夫德之所感淪骨髓而非深誠之所至去神明而何遠有唐大曆壬子歲宋州八關齋會者此都人士衆文武將吏朝散大夫使持節宋州諸軍事行宋州刺史兼侍御史本州團練守捉使賜紫金魚袋徐向等奉爲河南節度觀察使開府儀同三司太子太師左右僕射知省事兼御史大夫汴州刺史上柱國信都郡王田公頃疾良已之所建也公名神功冀州南宮人稟元和之粹靈應期運以傑出含弘厚下正直率先起孝而德感生人竭忠而精貫白日必資於寬簡安人務在於撫柔況乎武藝絕倫英謀沈秘所向而前無強敵日新而學有緝熙故能奠天子之邦鬱蒼生之望有日矣安史構逆公以平盧節將佐今右僕射李公忠臣收滄德攻相州拒杏園守陳留許叔冀降而陷焉思明懼忠臣圖已令公佐南德信隨劉從諫收江淮至宋州欲襲李說公斬德信走從諫遂并其衆而報焉肅宗大悅拜公鴻臚卿再襲散衞於鄆州加中丞討劉展於潤州斬平之遷徐州刺史明年拜淄青節度使屬侯希逸自平盧至公以州議之時宋州刺史李岑爲賊所圍副元帥李光弼請公討平之拜御史大夫加開府充鄆節度使破法于營又討敬缸缸歸順焉史朝儀聞之奔下博投范陽自縊死廣德元年授戶部尚書封都郡王上幸陝公首末扈從都知六軍兵馬每食宿公皆躬自省視上感焉方委以政事公涕泣固辭而止二年拜汴宋節度遷兵部大曆二年加公右僕射封母清河張氏爲趙

國太夫人妻信安郡王祿女爲涼國夫人慈和勤儉睦於親黨公性純孝居常不離左右閱讀書史或時疾病公輒累月不茹葷家中禮懺不絕仍造崇夏弘聖二寺以祈福祐五年兼左僕射知省事加太子太師公德厚量深勞謙重慎功既高而心益下位彌大而禮益恭故遠邇無不懷邇無不肅今夏四月忽嬰熱疾沉頓累旬積善降祥勿藥適喜應大之玩悉皆棄捨羣帥感焉無復弋獵四履之內感懷歎折雖陽之人踊躍尤甚乃奉於州將曰昔我公之陷賊也至敝邑而首誅德信李岑之見圍也破其黨而克保城池是即我公大造於敝邑也微我公之救恤則皆死于鋒鏑入于煎熬矣尚何能保完室嬉戲鄉井者乎不資齋明何以報德徐君悅而從之來歲五月八日首以俸錢三十萬設八關大會飯千僧於開元伽藍將佐爭承惟恐居後已而州縣官吏長史苗藏實等設一千五百人爲一會鎮遏團練官副使孫琳等設五百人爲一會耆老百姓張烈等設五千人爲一會法筵等供仄塞于郊垌贊聞香花喧填于晝夜其餘鄉村聚落來往舟車聞風而靡督自勤鋒惠而休先胥懋者又不可勝數矣非夫美政淳深德風汪濊則何以感人若此其至者乎真卿等叨接好仁飽承餘烈觀茲美盛益覩求蒙若不垂諸將來則記事者奚述

微子廟碑

賈至

昔者高宗既沒殷始錯命政有數倫敗紀事有梗神虐天迄於獨夫積愆乃稔武庚不化茅土再血元鳥之祀宜其忽諸噫湯之德不衰故微子復興於宋矣

微子名啓實帝乙元子帝乙憐賢之故而神器不集於君君肅恭神人恪慎克孝才兼八元之偉德百三仁之列始在擇嗣箕子贊焉尹茲東夏周公嘉焉歿而不朽仲尼稱焉觀其進思盡忠則忤主以竭諫退將保祀則全身以逃難去就生死之塗沈吟出處之域有以見聖達之情也若乃受爲不道暴殄天物剖諫輔之心解忠良之骨億兆墜於塗炭宗祧困於輓輓而君崎嶇險阻避跡藏時免身龍戰之郊解縛鷹揚之帥卒能修復舊物統承先祀七百餘年歆我神祇非明德至仁其孰能與於此於戲國之興亡不獨天命向使帝乙捨受而立啓前箕子而後少師則文王未可專征於諸侯武王未可誓師於牧野雖周公之聖不過子產之相矣太公之賢不過穰苴之法矣是太王立季歷而昌帝乙捨微子而亡成敗繫人不其昭彰乎皇帝二十有一載予作吏於宋思其先聖遺事求於古老與人則得君之祠廟存焉盛衰紛綸年祀超忽喬木老矣靈儀儼然檀樂焚堅者月繼蘋藻牲幣者日接何百代之後而仁風獨揚乎留連廟庭乃作頌曰天華元命皇符在水元天降災上慘下贖人怨神怒川崩鬼哭赫赫周邦如臨深谷邊矣微子逢時顛沛居亡念存處否求泰諫以明節仁而遠害作諸父師全身而退龍戰於野鳥焚其巢桓桓相王奄有商郊面縛就執牽羊投庖祀商修器啓宋分茅嗟爾宋人來蘇是仰穆如雨潤需若春養以戴以翼是宗是長茫茫舊封千載餘響我來斯廟未挹遺芬荒堦蔓草古木垂雲惆悵懷賢徘徊日曛鐫石紀德用流斯文

還京次睢陽祭張巡許遠文 高適

維乾元元年五月日太子詹事御史中丞高適謹以
清酌之奠敬祭於故御史中丞張許二公之靈中丞
體質貞正才掩羣豪詩書自負州縣徒勞惆悵雄華
辛勤賣刀時平位下世亂節高賊臣逆國步驚搖
兩河震恐千里嗷嗷投袂洒泣據鞍鬱陶全譙入宋
牧梓捍曹心繫魏闕至清武牢帝曰嗟爾龍光豹韜
憲臺戎幕持斧擁旄嗚呼予亦忝竊統茲介冑俄奉
短書至喪狂寇裹因訓卒達曙通畫軍乃促程書亦
封奏遂發驕勇俾驅烏獸將無還心兵亦死關賊黨
頻蹙我師旋漏十城相望百里不抹紘紘嘯聚兵鋒
亦湊積薪爲梁決岸成實嗚呼當此虎敵豈無強鄰
常時肝膽今日越秦堅守半歲絕糧數旬桮棬秣馬
糒紙均人病不暇拯沒無全身煎熬甲冑味嚼膠筋
慷慨艱險淒涼苦辛嗚呼我辭淮楚將赴伊洛途出
茲邦悲纏舊郭邑里灰燼城池墟落何九拒之崢嶸
皆一賢之制作聲蓋天壤氣橫遠廓讓死爭先臨危
靡却嗚呼天亦難論萬夫開壁一旅纔存衰羸既竭
力弱相吞陷奔纖路梯衡棧門土潦水合木柵雲屯
居即其敵突無其奔烟雲劍戟逼側紛昏與求生而
害義寧抗節以埋魂嗚呼悖逆殲潰干戈將止海岳
澄清朝廷到理封功列爵懷黃拖紫傷哉二賢不預
於此嗚呼孀婦伶俜愛子追贈芳榮賞延茲始寂寂
梁苑悠悠雕水黃蒿連接白骨填委思壯志於冥冥
問遺形於荆杞別祭空城一悲永矣

伊尹五就桀贊 并序

柳宗元

伊尹五就桀或疑曰湯之仁聞且見矣桀之不仁聞

且見矣夫胡去就之亟也柳子曰惡是吾所以見伊
尹之大者也彼伊尹聖人也聖人出於天下不夏商
其心心乎生民而已曰孰能由吾言由吾言者爲堯
舜而吾生人堯舜人矣退而思曰湯誠仁其功運桀
誠不仁朝吾從而暮及於天下可也於是就桀桀果
不可得反而從湯既而又思曰尚可十一乎使斯人
早被其澤也又往就桀桀不可而又從湯以至於百
一千一萬一卒不可乃相湯伐桀俾湯爲堯舜而人
爲堯舜之人是吾所以見伊尹之大者也仁至於湯
矣四去之仁不至於桀矣五就之大人之欲速其功
如此不然湯桀之辨一恆人盡之矣又奚以懂懂聖
人之足觀乎吾觀聖人之急生人莫若伊尹伊尹之
大莫若於五就桀作伊尹五就桀贊聖有伊尹思德
於民往歸湯之仁曰仁則仁矣非久不親退思其速
之道宜夏是困就焉不可復返毫股猶不忍其遲亟
往以觀庶狂作聖一日勝殘至千萬翼一卒無其端
五就不疲其心乃安遂升自脯黜桀尊湯遺民以完
大人無形與道爲偶道之爲大爲人父母大矣伊尹
爲聖之首既得其仁猶病其久恆人所疑我之所大
嗚呼遠哉志以爲誨

揚州大都督南府君睢陽廟碑 前人

急病讓夷義之先圖國忘死貞之大利合而動乃市
賈之相求恩加而感則報施之常道睢陽所以不階
王命橫絕凶威超千祀而挺生奮百代而特立者也
時惟南公天與拳勇神資機智藝窮百中豪出千人
不遇與詞爵龍眉之都尉數奇見惜挫援臂之將軍
天寶末寇劇憑陵噍突河華天旋虧手極之位地圯

積狐狸之穴親賢在庭子駿陳謨以佐命元老用武
夷甫委師而勸進惟公與南陽張公巡高陽許公遠
義氣懸合討謀大同鸞鳴武旅以遏橫潰裂裳而千
里來應左袒而一呼皆至柱厲不知而死難狼睨見
黜而奔師忠謀朗然萬夫齊力公以推讓且專奮擊
爲馬軍兵馬使出戰則羣校同強入守而百雉齊固
初據雍丘謂非要害將保江淮之臣庶逼南北之秦
復拔我義類扼於睢陽前後捕斬要逆凶氣連沮漢
兵已絕守疏勒而彌堅寇騎雖強頓肝胎而不進賊
徒乃棄疾于我悉衆合圍技雖窮千九攻志益專于
三板偏陽懸布之勁汧城擊穴之奇息意率羊羞鄭
師之大臨甘心易子鄙宋城之病告諸侯環顧而莫
救國命阻絕而無歸以有盡之疲人敵無己之強寇
公乃躍馬潰圍馳出萬衆抵賀蘭進明乞師進明乃
張樂侑食以好聘待之公曰敝邑父子相食而君辱
以燕禮獨何心與乃自噬其指曰噉此足矣遂痛哭
而返即死孤城首碎秦庭終惜無衣之賦身離楚野
徒傷帶劍之辭至德二年十月城陷遇害無傳燹之
嘆息有周苛之慷慨聞義能徙果其初心烈士抗辭
痛滅洪之同日直臣致憤惜蔡恭千累旬朝廷加贈
特進揚州都督定公爲第一等與張氏許氏並立廟
睢陽歲時致祭男在襁褓皆受顯秩賜之田土葬刻
鮑信之形陵圖龐德之狀納官其子見勾踐之心羽
林字孤知孝武之志舉明關於周典徵印綬於漢儀
王猷以光寵錫斯備於戲睢陽之事不惟以能死爲
勇善守爲功所以出奇以挫敵立權以怒寇俾其專
力於東南而去備於西北力專則堅城必陷備去則

天討可行是故即城陷之辰爲克敵之日世徒知力保於江淮而不知功靖乎逆醜論者或未之思與公諱齊雲字某范陽人有子曰承嗣七歲爲婺州別駕乃賜緋魚袋歷施涪二州服忠思孝無替負荷懼祠宇久遠德音不形願斷堅石假詞紀美惟公信以許其友剛以固其志仁以殘其肌勇以振其氣忠以挫其敵烈以死其事出乎內者合于貞形乎外者貫于義是其所以奮百代而超千祀者矣其志不亦互乎廟貌斯存碑表攸託洛陽城下思鄉之夢儻來麒麟閣中即圖之辭可繼銘曰貞以圖國義惟急病臨難忘身見危致命漢寵死事周崇死政烈烈南公忠出其性控扼地利奮揚其柄東護吳楚西憐周鄭焚焚羣凶害氣彌盛長蛇封豕踴躍不定屹被睢陽制其要領橫潰不流積風斯勁梯衝外侮告穴中偵鈴馬非艱析骸猶競浩浩烈士不聞濟師兵食殲焉守逾三時公奮其勇單車載馳投軀無告墜指而歸力窮就執猶抗其辭圭璧可碎堅貞不虧寇力東盡凶威西惡孤城既拔渠魁受戮雷霆之誅由我而速巢穴之固由我而覆江漢湖淮羣生咸育倬焉勳烈孰與齊躡天子震悼陟是元功旌褒有加命秩思崇位尊九牧禮視三公建茲祠宇式是形容性率伊碩黍稷伊豐虔虔孝嗣望慕無窮刊碑河許萬古英風

張中丞傳後序

韓愈

元和二年四月十三日愈與吳郡張籍閱家中舊書得李翰所爲張巡傳翰以文章自名爲此傳頗詳密然尚恨有闕者不爲許遠立傳又不載雷萬春事首尾遠雖材若不及巡者開門納巡位本在巡上授之

柄而處其下無所疑忌竟與巡俱守死成功名城陷而遠與巡死先後異耳兩家子弟材智下不能通知二父志以爲巡死而遠就擄疑畏死而辭服于賊遠誠畏死何苦守尺寸之地食其所愛之肉以與賊抗而不降乎當其圍守時外無蚍蜉蟻子之援所欲忠者國與主耳而賊語以國臣主滅遠見救援不至而賊來益衆必以其言爲信外無待而猶死守人相食且盡雖愚人也亦能數日而知死處矣遠之不畏死亦明矣烏有城壞其徒俱死獨蒙愧恥求活雖至愚者不忍爲嗚呼而謂遠之賢而爲之耶說者又謂遠與巡分城而守城之陷自遠所分始以此語遠又與兒童之見無異人之將死其臟腑必有先受其病者引繩而絕之其絕必有處觀者見其然從而尤之其亦不達於理矣小人之好議論不樂成人之美如是哉如巡遠之所成就如此卓卓猶不得免其他則又何說當二公之初守也寧能知人之卒不救棄城而逆遁苟此不能守雖避之他處何益及其無救而且窮也將其創殘餓羸之餘雖欲去必不達二公之賢其講之精矣守一城捍天下以千百就盡之卒戰百萬日滋之師蔽遮江淮沮遏其勢天下之不亡其誰之功也當是時棄城而圖存者不可一二數擅強兵坐而觀者相環也不追議此而責二公以死守亦見其自比于逆亂設浮辭而助之攻也愈嘗從事於汴徐二府屢道于兩府間親祭于其所謂雙廟者其老人往往說巡遠時事云南霽雲之乞救于賀蘭也賀蘭嫉巡遠之聲威功績出己上不肯出師救愛霽雲之勇且壯不聽其語強留之具食與樂延霽雲坐霽雲

慷慨語曰雲來時睢陽之人不粒食月餘矣雲雖欲獨食義不忍雖食且不下咽因拔所佩刀斷一指血淋漓以示賀蘭一座大驚皆感激爲雲泣下雲知賀蘭終無爲雲出師意即馳去將出城抽矢射佛寺浮圖矢著其上觀半箭曰吾歸破賊必滅賀蘭此矢所以志也愈貞元中過泗州船上人猶指以相語城陷賊以刃脅降巡巡不屈即率去將斬之又降霽雲未應巡呼曰南八男兒死耳不可爲不義屈雲笑曰欲將有爲也公有言雲敢不死即不屈張籍曰有于嵩者少依於巡及巡起事嵩尚在圍中籍大厝中於和州烏江縣見嵩嵩時年六十餘矣以巡初嘗得臨渙縣尉好學無所不讀籍時尚小粗問巡遠事不能細也云巡長七尺餘鬚髯若神嘗見嵩讀漢書謂嵩曰何爲久讀此曰未熟也巡曰吾於書讀不過三遍終身不忘也因誦嵩所讀書盡卷不錯一字嵩驚以爲巡偶熟此卷因亂抽他帙以試無不盡然嵩又取架上他書試以問巡巡應口誦無疑嵩從巡久亦不見常讀書也爲文章操筆立書未嘗起草初守睢陽時士卒僅萬人城中居人戶亦且數萬巡因一見問姓名其後無不識者巡怒鬚髯輒張及城陷賊縛巡等數十人坐且將戮巡起旋其衆見巡起或起或並巡曰汝勿怖死命也衆泣不能仰視巡就戮時顏色不亂陽陽如平常遠寬厚長者貌如其心與巡同年生月日後于巡呼巡爲兄死時年四十九嵩貞元中死於毫宋間或傳嵩有田在毫宋間武人奪而有之嵩將詣州訟理爲所殺嵩無子張籍云

進御史中丞張巡傳表

李翰

臣聞聖主褒死難之士有死事之孤或親推輜車或追建封邑厚死有以慰生撫存有以答祠然後君臣之義貫以生死激勸之道著於存亡君所以不遺乎臣臣所以不背其君君恩臣節於是乎立伏見故御史中丞贈揚州大都督張巡生於昌時少習儒訓屬阿寧構亂凶虐滔天挺身下位忠勇奮發率島合之衆當漁陽之鋒賊時竊據洛陽控引幽朔驅其猛銳吞噬河南巡前守雍丘潰其心腹及魯昱以十萬之師棄甲于宛葉哥舒以天下之衆敗績於潼關兩官出居萬國波蕩賊遂僭盜神器鳴時兩京南臨漢江西逼岐雍羣帥遷延而不進列郡望風而出奔而巡獨守孤城不爲之却賊乃繞出巡後議圖江淮巡退軍睢陽扼其咽喉前後相守自春徂冬大戰數十小戰數百以少擊衆以弱制強出奇無窮制勝如神殺其凶醜凡十一萬賊所以不敢越睢陽而取江淮江淮所以保全者巡之力也城孤糧盡外救不至猶奮羸起病摧鋒陷堅俾三軍之士噉膚而食知死不叛及城陷見執終無撓詞顧叱凶徒精貫白日雖古之忠烈何以加焉伏以光天文武大聖孝皇帝陛下聰明文思睿哲神武提一旅之衆復配天之業賞功褒節大賚羣臣遂贈揚州官及其子此誠陛下發德音之美也而議者或罪巡以食人恩巡以守死臣竊痛之今特詳其本末以辯巡過以塞衆口惟聖聰鑒焉臣聞人稟教以立身刑原情而定罪故事有虧教則人道不列刑有非罪則王法不加忠者臣之教恕者法之情今巡握節而死非虧教也析骸而爨非本情也春秋之義以功覆過咎繇之典容過宥刑大易之

戒過惡揚善爲國之體錄用棄瑕今衆議巡罪是廢君臣之教細忠義之節不以功掩過不以刑恕情善過惡揚錄瑕棄用非所以獎人倫明勸戒也且其時大臣將相從逆比肩而巡朝廷不登坐宴不與不陪一伍之衆不假一節之權威肅義旅奮身死節此巡之忠大矣賊勢憑陵連兵百萬巡以數千之衆橫而制之若無巡則無睢陽無睢陽則無江淮賊若因江淮之資兵彌廣財彌積根結盤據西向以拒王師雖終於殲夷而曠日持久國家以六師震其西巡以堅壘扼其東故陝鄂一戰而凶逆遁走王師因之而勢勝聲勢纔接而城開此天意使巡保江淮以待陛下之師師至而巡死也巡之功大矣古者列國諸侯或相侵伐猶有分災救患之義況諸將同受國恩奉辭伐罪乎巡所以固守者非惟懷獨克之志亦以特諸軍之救救不至而食盡食既盡而食人乖其本圖非其素志則巡之情可求矣設使巡守城之初已有食人之計損數百之衆以全天下臣猶曰功過相掩况非其素志乎在周典之三有其一曰有過失故語巡之忠則可以敦世教議巡之功則可以繫中興原巡之情則可以有過失昔夫子作春秋明褒貶齊桓將封禪略而不書晉文公召王河陽書而諱之蓋以匡戴之功大可以掩僭禪之過也今巡蒼黃之罪輕于僭禪興復之功重于匡戴罪疑輕功疑重聖人之訓昭然可徵臣故謂巡者足可以爲訓矣臣又聞罰不及嗣賞延于世此三代所以直道而行今巡子亞夫雖受一官不免饑寒之患江淮既巡所保戶口充完臣謂宜封以百戶俾食其子臣又聞強死爲厲

游魂爲變有所歸往不爲災巡既身首支離將士等骸骨不掩臣謂宜於睢陽城北擇一高原招魂葬送巡并將士大作一墓而葬使九原之魂猶思効命三軍之衆有以輕生既感幽明且無冤厲亦國家志過旌善垂誠百世之義也臣少與巡游巡之平生臣所悉知今巡死大難不親休明惟期今名是其榮祿若不時紀錄日月淺悠或掩而不傳或傳而不實而巡生死不遇誠可悲焉臣敢探所聞得其親視撰傳一卷昧死獻上伏惟陛下大明在上廣運臨下仁遐之德洽於艱難有善必紀無微不錄倘以臣所撰編列史官雖退死丘壑骨而不朽臣翰誠惶誠恐稽首頓首

宋州寧陵縣記

杜牧

建中初年李希烈自蔡陷汴驅兵東下將收江淮寧陵守將劉昌以兵三千拒之希烈衆且十倍攻之三月韓晉公以三千強弩涉水夜入寧陵弩矢至希烈帳前希烈曰復益吳弩寧陵不可取也解圍歸汴後數月希烈驍將翟輝以銳兵大敗於淮陽城下希烈且蹙棄汴歸蔡後司徒劉公元佐見昌泣曰爾以孤城用一當十凡百日間何以能守昌泣曰以貞心能守之耳昌令守陴者曰內顧者斬昌孤獨張俊守西隅未嘗內顧猝下斬之軍士有死志故能堅守伏地流涕劉公亦泣撫昌背曰國家必以富貴報爾天寶末淮陽太守薛愿雖陽太守許遠真源縣令張巡等共守二城其於窮蹙事相差埒時睢陽陷賊淮陽能守故巡名著而愿事不傳昌之守寧陵近比之於睢陽故良臣之名不如忠臣孫武曰善用兵者無赫赫之